

豫章叢書

第二四冊

日涉園集卷四

宋 李彭 撰

五言古詩

寄微先馳

雲橫暮鐘微窗含遠山曙卷祇正佳眠候雁送寒暑
觀君弄泉手豈是縫裳具獨鳥不西南長懷天際樹
寄徐聖功

暄風緣隙來窈窕過我廬新花已集目弱柳復藏鳥
故人慳音素定知中密疎客從西縣來問訊聊可娛
幽窗含暝色亮月麗高隅意逐前雲去微鐘尙虛徐

以酒渴愛江清爲韻寄秦廿四

春風草際歸爾客向杯酒觀化發珍藏俱爲鄙夫有
雖無雅頌姿橐之維楊柳賞春良獨難深憐魯中叟
倦遊文園令病肺塵消渴句幹造化機雲霞互轆轤
慢世誰與傳嗤議從夸奪誠哉死諸葛能走生仲達
通籍金閨人物望侔鼎鼐醉卧古藤陰一往無復再
卒業有劉歆學富仍多愛定持柯亭竹邇日吹丹塞
元暉擅江左遠岫列雲窗佳句神其吐律身未敦龐
胡爲犯奇禍雙流帶二江將智嗟耄及懷寶聽迷邦
隋河苦黃濁不亂長淮清秦郎久埋照餘子祇平平

詞林得此士隱若楚方城風流不頓盡驚人聞一鳴
用韻寄潘仲達

淵明解真意欲辯斯忘言我亦厭苦相頗復參雞園
潘侯隱於酒早悟逍遙篇兩髯俱似戟空洞復昭然
不作逐貧賦共結貧中緣臨江弔公瑾登樓懷仲宣
何須畫麟閣從渠定天山君看持漢節白首是丁年
寄甘露滅

疵賤楚江濱真遭女須罵自無交呂心從猜追信詐
頗耽麴米春寒柯一壺桂巖逃蘇晉禪時赴拾遺社
念我眼中人十燭九已炮向來支遁林得禍不能嫁

解羈蜚霧中萬事頓高謝奇胷挾風濤吐句端可怕
何時織錦機緯經聊一借懷哉付短章參旂耿寒夜

次韻寄錢仲仲

簡秀歎真長韶潤思阮裕眼中人物衰政爾用金注
吳產尙父孫思脫塵中屢嗜學頗經奇於我實肺腑
高材堪遺補伐冰非所慕時於鼓吹間自得鳴鶴句
妙語隨霜飈識我丘園路賞音吾敢辭當傳太沖賦

次陶淵明贈羊長史韻寄季翹叟

遺民百念冷中歲多難虞不希咸陽價頓有旁行書
李侯妙德望閒雅亦甚都南郡此名流聞聲十年逾

披雲落星灣情留厭歸興只今丘園夢君與川岑俱
胷中書零亂清言不躊躇曩時夔道囚風神頗相如
此翁蟬蛻去詞林遂榛蕪迺於羣憂中孤笑成歡娛
冷官類逃禪未減漢庭疎何時招隱巖追涼遲望舒

還日涉寄吳世良

白珩藍田生赤驥渥洼種異產非其源定自難入用
吳侯掌武孫九鼎家世重簪仕如挽強妙手一一中
抱牘鳬雁行嚴憚安敢縱捐金購奇書嗜學有餘勇
鄴侯空插架而予頗成誦昨日章水頭春風吹客夢
開筵置清醴落月流畫棟念子不負丞義士色爲動

梯山貢楮矢効珍出銀甕胡爲百僚底歲月數賓送
天邊賞旨意推轂亦云衆他年解組歸三徑著求仲

次九弟遊雲居韻兼簡鄭禹功博士

幽棲捐衆累塵事猶抗行浮湛太古相却掃何癡生
祇園有勝踐蒼崖無俗情筍輿度絕壑雷雨下滿盈
矯首出巖幽斜日耿煙樹玄蟬斷續鳴驚麝磨縱橫去
未窮山海迹茲焉賞心遇絕勝馳康莊車鮮馬仍怒
博士麟一角曠世獨秀羣胷中藏箕穎筆端生風雲
平視楚倚相陋矣知三墳佛界飽遊衍草木俱欣欣
阿彤荷衣時適與此山別願言奉巾屨不復苦炎熱

歸來出新詩老眼聊一閱雖非天姥句淺淨亦可悅
病夫世味薄野處隨年深以彼有限景寫我無窮心
緬懷太沖語山水有清音時尋松桂約勿遣嘲書淫
次韻謝眺直中書省詩寄馮顏爲

泰階就平夷風軌肅恢敞內樞方暢謀吳岫俄矯掌
富貴踐危機紛華嬰世網諸生經濟心緩帶赤霄上
黃金買蛾眉歌臺爭暖響未聞舜九官賣友變俯仰
重瞳垂衣裳間闔映蕩蕩均勞當賜環看公被嘉賞
次韻謝眺登三山還望京邑寄六弟

驅車背郊園殊鄉復異縣春色滿上都雜遝眩聞見

日涉園集卷四
四
危樓日輝輝絳闕雲練練那思赴脩眇豈復隱遙甸
佳人夏鳴瑟開懷具芳宴但願酒如澠詎計花如霰
緬懷棄繻志彬蔚期豹變

次韻謝朓京路夜發寄六弟書因以督其歸

問津實知津阮屐穿幾雨束裝徑嶢峴呼船凌決瀦
老餘風埃顏枯槁日日上屏居二十載寡求每自廣
眷言季行役清音當見賞聲華慎交綬物色易搖蕩
得鴛早歸來毋爲勤掉鞅

寄郭循正

經綯有道孫丰姿復亂真養氣如晴虹照映塞外春

好大有餘韻雨墊烏角巾典學萬人敵談笑五臺賓
篆筆壓秦相翻笑蔡有鄰長袖果善舞巨價藏百珍
豈緊寂寞中見此妙入神平生樂聞善况我骨肉親
孟堅贊炎漢揚雄賦逐貧

次謝宣城出新林浦向板橋韻寄汪彥章

名郎摩霄翼徑逐先賢鶩奇胷如洞庭中藏萬烟樹
憶昨易前期寒暑亦云屢雖聯台省班未減江湖趣
老境專一丘病著隨所遇何時過我來嘗柑喫香霧
寄陳無惑

憶昔悵有違平湖拍天漲公乘美滿風乘興破巨浪

目次
我歸茅屋底念切情恟恟中間忽抱瘵此病卽无妄
伏枕辭鳴蟬秋風吹倚杖緬懷醉夷門歎咏真愜當
頗復持漫刺曳裾謁丞相曩者金石交爲子傾家釀
膚清神更清年壯思亦壯蘭臺要給札扞寫不流宕
讜言動主意湛思慰人望歸帆拂五老停臚當疊嶂
不忘茗果期烟扉聊一訪

余與劉壯與先大父屯田父秘丞爲契家壯與
又與子厚不數年皆下世今過其故居

劉郎平昔居門巷草芊芊念我眼中人骨驚淚潏潏
中允實高蹈倦遊自丁年問舍得匡廬卜宅如澗瀍

懸車著屋山騎牛弄寒泉秘書極精銳筆下走百川
口戈擊姦佞直聲寰宇喧諸郎排候雁一一落雲天
獨餘漫郎叟高名星斗聯辟書日夜催援毫錄羣仙
幾負喪明責挂冠遂言旋中河忽墜月半岳遽摧巔
孤嫠俱幽憤一仆無復痊傳家惟蔡琰擇壻得鮑宣
驅車官殊方衡宇頽荒阡壞壁蝸篆滿小窗蛛網懸
翠藹遠山暝蒼苔脩竹連往時所憩樹相與聽鳴蟬
忽逢持斧翁葆鬢青行纏採薪收斜日伐竹破疎烟
沉痛迫中腸裴回不能前高明鬼得瞰豈弟神所捐
微吟復淒斷暮角西風傳

子與謝幼槃輩老諸人往在臨川甚昵幼槃
已在鬼錄後五年復與瞿老會宿于星渚是
夕大風雨因誦蘇州誰知風雨夜復此對床
眠之句歸賦十章以寄

賸客苦填委神交多乖離靜言數存沒驚飈遡難追
水清石自見山高鳥鳴悲一盃且相屬何庸記吾誰
久矣羗山遊幽討無復遺如觀侏儒節觸類或可推
山靈厚相戲傲以所不知故放出岫雲變更無定姿
憶昨謝幼與宜著丘壑中論交麴蘖底愁絕連樽空
自我失此士清夢隨歸鴻封胡與羯末安知無餘風

高臺擬峴首孤峯陵天姥與子各壯年車鮮馬亦怒
歲月忽欺人于邁不可補詎知喚仍回藜床同夜雨
誰其妙丹青將軍獨曹霸能開生面姿拂湘貌照夜
偉哉千載後萬金不當價吾欲評斯文善學如善畫
却老煩青精度歲掘黃獨長乘下澤車何煩挾丹轂
求我盛年非常恐不可復永結交舊歡阿謨甘碌碌
吾憐阮嗣宗口不挂臧否是眼何親疎青白生譽毀
照隣殆庶者穎脫當悟此本心如空虛何嘗受塵滓
曩時太傅公日下欲無對富貴恐不免大節在顯晦
一朝出東山勲業列鼎鼐眷言固窮士難進思易退

脂車離郊園潛筠人許長歸來十畝陰標節已儲霜
畦畛日將蕪況復病在床亭亭望五老煙雲晚蒼茫
渚蒲方蒨絢汀草亦芊緜扶藜數過鳥蕩漿看歸船
董子有來約要在秋風前已辦河朔飲更哦陶令篇
喜過洪仲本于山南以蟬噪林逾靜鳥鳴山更

幽爲韻作十詩寄之兼呈駒父

萬壑無定姿勝處加風烟愛山亦尤物常怵他人先
凌厲矯雲翻酬酢含風蟬終日松路永冲襟頗蕭然
故人隔秋水夢住寧可到山南會心處不負乾鵲噪
胸中如陰雨百穀仰一膏嘉德向來深此事神所勞

明月出東壁，歷井復捫參。如我飲歡伯，了無經世心。
土膏富畦壤，濁醪有常斟。鳥語復見廣，浩蕩栖雲林。
遊目霄壤間，稟生不可逾。企躍有定在，嗜好真殊途。
超詣方獨往，安然鐘鼎娛。嗟彼強聒士，營營竟何如。
老圃志沉鬱，久哉宦淙冷。道廣雖難周，恬愉境元靜。
著書雪明窗，垂老真嚮永。乃郎汗血姿，一一皆絕影。
窗上飛野馬，酒中鳴山鳥。俯仰幾何時，秋林風嫋嫋。
高懷凡情盡，虛齋塵事少。卧讀若耶詩，意寄在雲表。
綠髮嗜翰墨，頗徂成章程。耽思且傍訊，僅有能詩聲。
老語如凍芋，時時強抽萌。公等及英妙，每聞鸞鳳鳴。

禹貢金九牧鑄鼎知神奸博學如地負能發鍵與關
奇貨只希價妙語期藏山要當繼三代何勞追二班
豺祭秋事歸蓐收遂爲政爽氣挾曙來風露頗輝映
祛我中夜懶起予維摩病回首問炎蒸暴虐予難更
倚杖覽清曠江皋事事幽戰勝名義府策勳逾徵侯
世故每情得塵緣成語偷長吟撫孤松濯足清江流

蔡州顏魯公祠

孤雲亦羣遊勁柏受遠托烈士懷貞心肯勞常情度
堂堂顏太師立朝獨莊謬太宗柱石衰中夜懸六博
朝廷冠劍人孤君資元惡公當蔡州鋒活國立然諾